

SiōngChú Tōa Siūkhì ê Óaⁿ

16 Liáuāu, góa koh thiaⁿkìⁿ ũ tōa siaⁿim tùi sèngtiān chhut lâi, kā hit chhitê thiⁿsài kóng, “Lín khì kā hit chhit óaⁿ SiōngChú ê tōa siūkhì piàⁿ lókhì tēchiūⁿ.”

2 Thâu chitê thiⁿsài tòh khì, kā i hit óaⁿ piàⁿ lókhì tēchiūⁿ, hiahê ũ béngsiù ê kìhō kah pài i ê chōsiōng ê lāng tòh seⁿchhut chhàu koh tók ê chng.

3 Tē jī ê thiⁿsài kā i ê óaⁿ piàⁿ lókhì hái nìh, hái chúí tòh piànchò chhinchhiūⁿ sílāng ê hoeh, hái tiang itchhè ê oáhmh lóng sí khì. 4 Tē saⁿ ê thiⁿsài kā i ê óaⁿ piàⁿ lókhì kanghō kah chúichōaⁿ, hiahê chúí tòh piànchò hoeh. 5 Góa thiaⁿkìⁿ hitê chiángkoán cheng chúí ê thiⁿsài kóng,

“Hiānkim chūnchāi, cháchēng chūnchāi ê chisèng SiōngChú ah,

Lí ê símphòàⁿ chinsít koh konggī.

6 Inūi in bat lâu sìn̄tō kah tāigiânjīn ê hoeh,

taⁿ Lí ēng hoeh hō in lim, che sī in engkai siū ê pòèng.”

7 Jiānāu góa koh thiaⁿkìⁿ tùi chètōaⁿ thoānchhut siaⁿim kóng,

“Sī ah, Chú — choānlēng ê SiōngChú ah,

Lí ê símphòàⁿ chinsít koh konggī.”

8 Tē sì ê thiⁿsài kā i ê óaⁿ piàⁿ tī jítthâu téngbān, jítthâu tòh tit tiòh koānpèng, ē tàng ēng hóe sio lāng. 9 Lāng hō tōa iāmjiat ê hóe sio tiòh, tòh siattók Hit Ūi ũ koānpèng thang chiángkoán chiahê chaihō ê SiōngChú ê miá, khiok iūgoān m̄ khéng hóekái, mā bō beh kui êngkng hō SiōngChú.

10 Tē gō ê thiⁿsài kā i ê óaⁿ piàⁿ lókhì béngsiù ê chōūi, béngsiù ê kòktō tòh sūsī piànchò òam, lāng tòh kankhó kah kā chhùichl̄h. 11 In koh inūi in sō chosiū ê kankhó kah sinchiūⁿ sō seⁿ ê

上主大受氣 ê 碗

16 了後，我 koh 聽見有大聲音 tùi 聖殿出來，kā hit 七个天使講：「Lín 去 kā hit 七碗上主 ê 大受氣 piàⁿ 落去地 chiūⁿ。」

2 頭一个天使 tòh 去，kā 伊 hit 碗 piàⁿ 落去地 chiūⁿ，hiahê 有猛獸 ê 記號 kah 拜牠 ê 造像 ê 人 tòh 生出臭 koh 毒 ê 瘡。

3 第二个天使 kā 伊 ê 碗 piàⁿ 落去海裡，海水 tòh 變做親像死人 ê 血，海中一切 ê 活物 lóng 死去。4 第三个天使 kā 伊 ê 碗 piàⁿ 落去江河 kah 水泉，hiahê 水 tòh 變做血。5 我聽見 hitê 掌管眾水 ê 天使講：

「現今存在，早前存在 ê 至聖上主 ah，

祢 ê 審判真實 koh 公義。

6 因為 in bat 流信徒 kah 代言人 ê 血，

taⁿ 祢用血 hō in lim，這是 in 應該受 ê 報應。」

7 然後我 koh 聽見 tùi 祭壇傳出聲音講：

「是 ah，主—全能 ê 上主 ah，

祢 ê 審判真實 koh 公義。」

8 第四个天使 kā 伊 ê 碗 piàⁿ tī 日頭頂面，日頭 tòh 得 tiòh 權柄，ē tàng 用火燒人。9 人 hō 大炎熱 ê 火燒 tiòh，tòh 褻瀆 Hit 位有權柄 thang 掌管 chiahê 災禍 ê 上主 ê 名，卻猶原 m̄ 肯悔改，mā 無 beh 歸榮光 hō 上主。

10 第五个天使 kā 伊 ê 碗 piàⁿ 落去猛獸 ê 座位，猛獸 ê 國度 tòh 隨時變做烏暗，人 tòh 艱苦 kah 咬嘴舌。11 In koh 因為 in 所遭受 ê 艱苦 kah 身 chiūⁿ 所生 ê 毒瘡，tòh 褻瀆天頂 ê 上

tòkchng, tòh siattók thiⁿténg ê SiōngChú, khiok iúgoân bô beh hóekái in ê kiâⁿtáh.

12 Tē lák ê thiⁿsài ká i ê óaⁿ piàⁿ lòhkhì luhulaté tōa hô, hôchúi sūsí ta khì, thang ũi tùi tanghng lái ê liát ông pīpān chít tiâu tōiō. 13 Góa koh khòaⁿkìⁿ ũ saⁿê bô chhengkhì ê lêng, chhinchhiūⁿ chhânkap'á, tùi lêng ê chhùi, béngsiū ê chhùi kah ké tāigiânjîn ê chhùi chhut lái. 14 In tòh sī ē kiáⁿ sînjiah ê siâⁿlêng, in chhutkhì chiochíp choân sèkài ê kunông, beh tī choânⁿlêng SiōngChú số tiāⁿtiòh ê tōa jítchí chhutlái kauchiàn.

15 (Tiòh chù! Góa lái beh chhinchhiūⁿ chhát. Hitê sūsí kénghéⁿ, koh ká saⁿ chhēng piānpīān ê lāng sítchāi ũ hokkhì, inūi i m̄ bián hō chēng lāng khòaⁿkìⁿ i chhiahsin lōthé ê kiānsiàu.)

16 Hiahê siâⁿlêng tòh chiochíp liát ông, tī chítê Hibúlái ōe kiòchò Amágéktùn ê sốchāi chūchíp.

17 Tē chhit ê thiⁿsài ká i ê óaⁿ piàⁿ tī khongtiong, tòh ũ tōa siaⁿ tùi sèngtiān ê póchō thoānchhut lái, kóng, “Oānsēng ā!” 18 Hit sít, ũ sihnà, hiángsiaⁿ, lúi tân kah tōa tētāng. Tēchiūⁿ chū ũ jīnlūi ílái, m̄ bat hoatseng kòe chiahnih tōa ê tētāng. 19 Hit chō tōa siāⁿ líh chò saⁿ tōaⁿ, liátkok ê siāⁿchhī mā lóng tóhoāi. SiōngChú mā ē kítit tōa Babúlông ê chōeok, tòh hō i lim chhiong móa SiōngChú kéktōa nōkhì ê chiú. 20 Sōū ê tósū lóng cháu bô khì, chēng soaⁿ mā lóng siausit khì. 21 Koh ũ tōaliáp pháuh tùi thiⁿ kàng lóh tī lāng ê sinchiūⁿ, tákliáp lóng ũ kúinā chap kongkin tāng. Lāng inūi pháuh ê chaihō, tòh siattók SiōngChú, inūi hitê chaihō huisiōng giāmtiōng.

主，卻猶原無 beh 悔改 in ê 行踏。

12 第六个天使 ká 伊 ê 碗 piàⁿ 落去幼發拉底大河，河水隨時乾去，thang 為 tùi 東方來 ê 列王備辦一條道路。 13 我 koh 看見有三个無清氣 ê 靈，親像田蛤 á，tùi 龍 ê 嘴、猛獸 ê 嘴 kah 假代言人 ê 嘴出來。 14 In tòh 是 ē 行神跡 ê 邪靈，in 出去招集全世界 ê 君王，beh tī 全能上主所定 tiòh ê 大日子出來交戰。

15 (Tiòh 注意！我來 beh 親像賊。Hitê 隨時警醒，koh ká 衫穿便便 ê 人實在有福氣，因為伊 m̄ 免 hō 眾人看見伊赤身露體 ê 見笑。)

16 Hiahê 邪靈 tòh 招集列王，tī 一个希伯來話叫做哈瑪逆頓 ê 所在聚集。

17 第七个天使 ká 伊 ê 碗 piàⁿ tī 空中，tòh 有大聲 tùi 聖殿 ê 寶座傳出來，講：「完成 ā！」 18 Hit 時，有 sihnà、響聲、雷 tân kah 大地動。地 chiūⁿ 自有人類以來，m̄ bat 發生過 chiahnih 大 ê 地動。 19 Hit 座大城裂做三段，列國 ê 城市 mā lóng 倒壞。上主 mā ē 記得大巴比倫 ê 罪惡，tòh hō 她 lim 充滿上主極大怒氣 ê 酒。 20 所有 ê 島嶼 lóng 走無去，眾山 mā lóng 消失去。 21 Koh 有大粒雹 tùi 天降落 tī 人 ê 身 chiūⁿ，ták 粒 lóng 有幾 nā 十公斤重。人因為雹 ê 災禍，tòh 褻瀆上主，因為 hitê 災禍非常嚴重。